

SHWBIZ KLIP

BON DIA



Aruvision Music Festival 2008 ta dedica na La primerisima "Sharon Rose"

P'e mes esaki tabata un sorpresa

Addonsito Croes e organisador di e festival ta señalá: "E prome biaha cu mi a wak Sharon Rose tabata den Show Time na Tele Aruba interpretando e tempo ey "Mi hamaca" cu tabata un éxito. E festival e aña'ki ta celebrando su di 6 edicion di un forma special".

E fecha programa ta dia 29 november proximo y e luga ta Club More Amor situa na Amsterdam.

Addonsito y Paul Croes, Maurits Malmberg, Brenda Nogera y Ivan Poulina ta esnan cu ta percura p'e motor

sigui funciona p'e festival aki sigui bira mas grandi tur aña.

E aña'ki e festival ta wordo dedica na "La primerisima" Sharon Rose cu ta celebrando 45 aña den farandula. For di chikito Addonsito ta un fanantico di e cantante local y a dicidi pa dedica e festival na su honor.

Tempo cu Addonsito Croes tabatin 8 aña di edad di cual e tabata bishitando St. Anna school e la keda sigui e pasonan di Sharon.

Pa su suerte Ovito Tromp a siñ'e e letranan di e cancion

"Mi hamaca" durante su lesnan di musica y for di e tempo ey nunca mas el a lubida e letranan. Den e programa di su difunto tata Addison Croes (q.e.p.d.) na "Voz di Aruba" nunca tabata falta e cancionnan di Sharon. Ta un inmenso placer pa Addonsito Croes pa por presenta y honra un "Gloria musical" den su festival p'asina dun'e su honor mereci.

Kedando den e mesun liña varios di e participantenan di e aña'ki ta studiantenan Arubiano cu tin apenas un par di luna na Hulanda, esaki ta muestra di e popularidad grandi cu e festival aki tin den e Arubiano residencia na Hulanda. Aki tambe nos ta señalá tur esnan cu lo ta participando den e Aruvision music Fest di e aña'ki.

1. Dan Peterson - ZZZZX ROAD (Stone Sour)
2. Bryan van Putten - Corazon Partido (Ivete Sangalo/Alejandro Sanz)
3. Cedric van der Linde - Y hubo alguien (Marc Anthony)
4. Marcie de Jongh - Your Picture (Gloria Estefan)
5. Tasha Richardson - Listen (Beyonce)
6. Kerry Lovell - Color Esperanza (Diego Torres)
7. Monique Pulido - Here with me (DIDO)
8. Najesca van Trigt - Overtime (OREO)
9. Naylan Greydon Heiland - Te Extraño (Ricky Martin)
10. Marvin Stamper - Respeta mi dolor (Fernando Villalona)
11. Marylou Trimon - Y si te digo (Fany Lu)

En total ta bay tin 4 finalista y un ganador, tambe lo tin



un premio p'e cantante mas popular di e anochi como tambe p'e cantante mas popular riba internet.

Pa yega na haci esaki posibel lo bo mester bishita e web-site: www.ppocrew.com y deposita bo voto p'e cantante mas popular.

Nan tur ta wordo compaña p'e banda ExQuiZiT bao direccion di Patrick Richards, ensayonan lo ta entre october y november na Zoetermeer.

E integrantenan di e banda ta: Patrick Richards (Piano/keyboard), Jonathan Hoevertsz "ganador Aruvision 2005" (drum), Harvey Agunbero (Bass), Karl Diaz (lead/rhythm guitar), Elvin Marchena (percusion), Jeremy Kock (corista), Zulaika Geerman (corista) y Ron Martis (corista).

Aruvision ta un evento cu a nace for di aña 2002 y Addonsito Croes tambe a señalá lo siguiente na nos:

"Tene un festival di e calidad aki bibo no ta facil. Bo ta haña hende cu no ta "gun" bo e éxito. Danki Dios esun cu si ta "gun" bo esaki ta den gran mayoria".

Den e simannan cu ta bin nos lo haya for di Addonsito Croes un biografia corto di cada cantante y di e banda.

Aña pasa Solange Trimon a gana e festival cu su cancion "Me canse de ser la otra" di La India.

Un danki special ta bay na tur esnan cu ta contribui p'e festival di e aña'ki manera entro otro Maurits Malmberg, Brenda Nogera, Ivan Poulina, Mark Marugg, Erin y Paul Croes.!

Pa mas informacion bishita aki poco tempo e web-site: www.arurovision.nl, e fotonan cu ta wordo ilustra ta danki na Theo Lopez di www.arubadag.com, Edwin Henriquez di www.photoindio.com e Ivan Poulina di www.ppocrew.com

